

東洲草堂詩鈔

東洲艸堂詩鈔卷二十三

道州 何紹基 子貞

雪堂拓蘇詞殘石 辛酉元日

古來文字輝山川黃州勝以東坡傳雪堂況是公所構真氣鬱鬱棲桷挺我初憩此歲壬子使君春夜張高筵徐石民太守狂吟浪醉三五日歡傲風月茫無邊余題雪堂聯云雪壁寫東坡大海無邊風月我十年孤鶴翩復至忽易雄闊爲華妍劫餘賸此幾如孤鶴飛來月石晨星落落耿在天詞家有東坡如詩之青蓮天然叶韶濂超宕仙乎仙試誦此三閔皆在黃州填岷峨空馳萬里廛閭苑誰證千秋緣文章何事強開口一琴一酒方陶然政和宣和弛禁後搜錄遺墨紛傳鐫此詞此字最得地江月更比它處圓上有鶴樓下庾樓遜此光燄江天懸不虞粵匪來剽作修城甑神

鬼強呵護碑斷不可聯我珍碎玉勝完璧如視全人脰肩東
南烽火猶蔓延金石毀棄成雲煙差幸投閒葬游歷好奇諷古
意更專來朝渡江尋怡亭再看李篆蛟龍纏願佐
中興討文獻勉令後學知前賢

羅研生屬題除夕吟蘇卷次韻書懷時余甫返湘垣一
家歡聚也卽示子敬子愚兩弟

兄弟到白頭急難得扶佐一夕有聯牀而聲等奇貨嗟從軍興
來浩劫波濤大人閒好兄弟離析失饋臥忽誦吟蘇篇坡顛宛
同座友于相感觸別緒互研磨痛哉我輩從性命刀頭過生還
豈偶然損脆且廢和

叔季歲莫歸阿兄歸獨遲音書久阻隔蹤跡忽逐追奇哉此一
聚昨日猶天涯回憶同屋歡尙在具慶時悠悠廿餘年壯老殊

瘠肥俛看羣稚喧足遺三翁悲憶昨團年飲各有祀寵辭我方
風雪行祇益鬢毛衰

僦居得華構添足嗤畫蛇不如自家屋把茅頭上遮典衣易好
米衣盡將如何不如置薄田亦免越畔譁城中苦煩擾厭聽官
鼓搗幾時田閒去聽水至日斜諄諄語叔季此計休蹉跎藏書
課兒孫百城猶可誇

李西臺親家生日余邀同庚胡恕堂中丞治具稱祝仍
以小詩介雅

風炎日炙火雲張靜者翛然熱惱忘早退能拋紆綬苦閒居猶

爲勘書忙禮堂鄭孔千秋韻君年來究心注疏吟榭蕉梧六月涼壽色

雲嵐隨杖履先生風味半城鄉

生際乾隆八八年

嘉慶四年官中憲書爲乾隆六十四年

三人相顧各華顛老煖

才綈渡頭屋

近渡頭市

司馬又添池上船

製小舟荷舫幽樓偏

遠俗

盟菱圓荷之舫
居此過夏

芋園喬木況參天

尊兄文恭公所構芋
園近年水木增勝孤

辰喜逗新秋近快酌山樽聽野絃

羅研蓀生日

三十年來老詩友長沙尙餘羅研蓀爲人平實不動俗意味正
似東洲緩胸中涵衍罔不有涇渭河濟包流原我於君止五歲
長百事頽放難扶掖君不謂衰笑其孀孀與衰似難同論君方
幼學如少壯健往欲迴羣馬奔自余十載浪游返載書尙費車
百轅君來僧看敗十種其所未看氣盡吞七月四日攬揆辰不
欲子弟鞠脆煩翩然出游徧古寺歸來敲詩潛閉門余方病瞶
今始解走桂花井尋秋痕蒙出佳茗淡過水殊勝豪門稱祝樽
忽然起搢笏詩句西臺有例近可援更出大紙要奇字常時張

之石潭精舍之小軒老蛟不禁拍手笑既不稱壽矣而何用吾言

念園研菰雨君見和拙詩適於昨日看新練水師卽事奉荅

二千年來風騷鄉香徧蘭芷離荃蓀厥初固是用武地上國視之如鶴陂金虎菲并楚最後避秦早入桃花源其人智決有先見不俟陷淖方求拔十年名將次第出忠勇不與孫吳論水師勦自曾本兵由湘入江蟻賊奔昨日下瀨新練軍采舟化爲大府轅連環忽訝水犀出萬怪早被長龍長龍船名吞赤日正照組甲絢清風來盪炎歊煩火光歆飲白沙口呼聲搖動驛步門大旗乍掩鼓盡寂尖山嶽麓青露痕桂花井畔雨靜窈詩壘折衝忘俎樽才氣俱堪萬人敵謂宜投筆將枹援何勞瑣屑較聲病俛

與韻士爭輶軒笑我偏師遇兩大但見湯池浩浩壖言言

楊性農寄示近詩有夙不喜金石一篇中有欲罰杜舉
志吾過之句蓋自知不足者因用原韻奉荅冀勉進此
道也

太初有文蓋無字僅類畫卦分陰陽琢玉爲珪璋璧琮厥貢集
瑤琨琳琅金石刻畫乃漸起文字孳乳不可量稽古同天炳羣
聖鉤河摘洛歸素王當時六經雖手定傳道難徧諸猖狂曾商
卜漆數子耳抱經講授各異鄉漆書竹簡度俄空藏壁過江多
悚惶聖人如列五等爵胙土得分青赤黃定取吉金與樂石古
文刻經天府藏能令歲歲永消戢更軼禹鼎騰芳豈比河圖
與大訓簡重止宜陳序房巍巍之德竟無位禮殿俎豆長馨香
俗書寫經大容易直似衣食憑農桑聞疑孰叩渡河不舛難

窮白下羊或挾訛文騁臆見敢訾古誼甘面牆傳言遺經在海
東有類佛典淪焉莫吁嗟聖道久凌替三古舊聞誰辨章布帛
菽粟化銀幣井田封建如收皇金石一線幸未泯大比竹素意
法長歐趙洪辭功豈小非僅饋貧餘古糧爲文詞宜略識字源
之斯語頗審詳吾子於韓有微尙視它作者皆執糠宜繹聖言
源初訓周前秦後別界疆既知杜舉當志過豈可信筆爲橫翔
近者粵東及鄂渚夷艘羣竄如奔狼寇氛四路伏且懾彗孛三
句戢厥光沅湘水潦亦斂縮計子來過秋常涼相與從容究倉
雅六書大義如莊康

題圉令趙君碑三首

圉令趙君碑見於洪氏隸釋後遂無著錄者蓋石已毀
矣道光壬辰春仲先文安公按試甯波余隨侍登范氏

天一閣見此碑及劉熊碑單紙宋拓俱有破損閣上置
長案不設坐具書帖不得下樓無緣假歸審訂奇迹經
眼時入睡寢忽忽三十年矣其年冬在都得蘇齋雙鉤
劉熊碑於琉璃廠肆適澧州蔣錦秋觀察收得汪孟慈
處宋拓劉熊碑及宋拓魯公祭姪文許我到粗旗杆廟
寓中手鉤祭姪文肴酒供客甚恭主人不出門半步而
劉熊碑則固靳不與鉤余以甫得翁鉤本可玩不復強
索後屢游吳門頗聞有趙君碑以尤物不敢過問也咸
豐辛酉歸長沙知易小坪令嗣處有立軸本洸李季眉
借到小坪得之蔣奇男奇男者伯生之子伯生得之黃
小松道光二三年閒伯生居濟南西關外之燕園余與
先弟子穀偕周通甫楊徵和張淦卿諸君談碑看畫過

從無虛日顧未見此碑其時蓋尚未收得也小松得之
張芑堂芑堂得碑在乾隆丁未不著所從來以後梁山
舟錢鐸石翁覃溪伊墨卿吳荷屋梁陸林各有題記似
乎王蘭泉孫淵如阮伯元師俱未寓目芑堂伯生小坪
以藏帖主人俱不題一字殊不可解今立軸炳然而小
松所得之剪襍本不知何往矣黃荷汀同年官上海愛
歸攜一軸來云得之徐紫珊看蘇齋題記乃錢辛楣宮
詹舊藏物而潛研堂金石跋尾不錄是碑豈得碑於成
書後邪辛楣至紫珊中開不知流轉何處或卽由錢至
徐耳小松先得顧云美冊又得芑堂贈軸又同李錢橋
觀此本於涉甯最爲有金石緣余不得藏一本而所見
有三本與蘇齋同余多見天一閣本翁多見云美本耳

惟蘇齋於三本俱有題字而所著兩京金石記復初齋
集俱不及此碑豈亦如宮簷例邪此軸中題字如顧淵
費練粟人皆管年相與諏古嗜宿艸多年不勝懷惘余
既偕到兩本值酷暑不能臨摹刻碑人懸城陳浩隨我
至湘令其雙鉤裝爲巨軸一時壁間遂有三趙君碑可
云奇快易氏軸先索還黃荷汀軸許我久看因分作三
詩以志欣賞此碑自黃小松小蓬萊閣雙鉤題跋後又
有萬廉山百碑研齋編刻本又見於吳荷屋丈筠清館
金石錄其他簞錄者余未及見也辛酉七月十九二十
日記於長沙化龍池寓齋之礪石山房

芭堂張氏初獲碑至今七十有五祀最好礪石看碑處永豐鄉
之九曲裏芭堂十年不題字持贈秋僉官枉涉小蓬萊閣本有

是古冊流傳顧云美誰期此軸不脛至軸者在壁冊在几冊落
何處軸無恙燕園蔣子特珍視燕園藏寶我盡閱道光之初歲
壬癸其時尙未得此拓遲四十年方觀止令詞奇男宦湘上轉
歸易氏父及子金石之壽人不如漫爲斯碑歎流徙初平正是
獻帝元董卓移都世亂矣辟雍東觀典司缺蘭臺鴻都圖冊毀
陳鵬況與洛陽近貞石尙爲賢令砥東京遺禍此其殿民心敦
樸見惻悱安得重摹付妙斲一代石墨有終始誰其愛我轉僧
示李子季斜稽古士

題易氏
藏本

潛研堂跋一再續罔令趙碑不入錄若非蘇齋題記詳誰識宮
詹舊藏麓小松已皮兩墨木又獲觀茲眞眼福同年黃子劬耆
古得從徐氏在滬瀆攜還長沙出示我宛園池波柳絲綠珍重
僭歸礪石館兩本竝几搖雙目古光所照四壁靜不敢頻開防

手觸此軸蒙許久爾看何止桑下三日宿悽懷故友顧與練往
歲談碑如炙轍我蒐石墨始燕齊吳粵閩黔秦晉蜀牛腰囊載
非不富精本無多詎云足十年兵火礮尙張多少古魂無處贖
江南文獻已難問海上樓船尙馳逐東京貞珉幾宋本幸免劫
灰天闕落一劉二趙與三華但獲一瑞等球玉英光寶晉乃俗
書甚暑恩恩未遑讀

題黃荷汀藏本又所藏有宋拓英光堂米帖

我嘗讀碑古鄆州圉令趙及酸棗劉兩張薄楷就糜腐無那天
一閣帖不下樓劉碑汪氏有舊冊後屬吾鄉蔣錦秋趙碑世尙
鼎足立兩巨軸者翩迎眸可憐赤日照土裂時見炎雲如火流
狂揮白汗賞翠墨久棄筆盤親茶甌趙君名缺字亦損再辟不
至因兄憂陳寔范滂同此意古義足起末俗媮播德二城風穆
清文句簡質全包授碑成百五十餘字字大不與他碑伴書勢

恢疏見奇氣夏承范式之匹儔我雖苦熱輟隸課對此至寶
疾瘳歷下陳生手眼敏精校兩本爲雙鉤鉤成裏贖快懸看兩
本古重一本邇晚來大雨不解何處至但見搖搖四壁騰蛟虬
郭有道碑孟文頌時壁間並懸相典鼓努勞薄一片風颺颺雙題

木街

九月初五日卽事

桂花無處尋流傳桂花井易變此卜居官高道彌靜羅子來訂
詩高歌銷苦茗余於二子習關門念造請情因唱和聯趣以清
閒併今年苦熱甚金虎秋愈獷旱象雖未形潤到行潦洞農收
恐難豐王稅虞不整兼以濱湖區水毀仍待拯京帑急催促軍
儲難裔省近者皖鄂閒頗息烽燧警百萬瘡痍民甫自識形影
又聞水陸師將指吳越境資糧屨履供延首望湘艇計從十年

來楚材齊脫穎忠義所感激將士竭誠猛紛騰金粟連絡繹江
湖永艱難此一隅支柱幾行省賜雨時偶愆軍國氣膺懷化元
期漸復天心可哀冑重陽佳節近風雨差可幸菊苗珍珠玃蟹
信隔笳簫賤子半月來游蹤又思遲東接九溪洞西營九子嶺
渴與猿飲連捷逐鹿走鉞黑藥阻繭足白鶴徒延頸忽復落城
市如弓弛待檄今日街路潤且喜不泥漚步出八卦巷陳窻今
鄭兩盧沿緣古荷池池乾井失綆郭子山中來樸味到襟領張
翁邂逅逢說詩似匡鼎雙丁竝白髮意象同一冷郭筠仙處遇
丁碩臣傳聞鄂信疾驚墮將星炳問胡詠芝於八一柱更誰擎

萬氣爲之瘦銍前讀朝報

主少國有秉本端枝葉振直進邪慝屏珠聯璧合瑞河清映慶

景八月朔日月合璧聖前後四星聚張又聞黃河清

太平有機關宏濟待公等嗟余坐

迂廢庶獲老哇町羅子晚來過悲慰互雜竝尋秋到吾廬秋意
太癯瘠時事天九重清談波萬頃子季酷者畫子愚出癡孫環
索飭舊醅已無多暫可支酩酊客去憂端來睡不五鼓醒

李季斜親家生日

城東待石園簪年我棲止時當八九月來自瀟湘汴君方構園
稿一樸出萬詭故人楊紫卿詩心兼畫理爲致永州石不脛自
千里登崎峙頭角玲瓏露筋髓忽親若眷孺忽幻若仙鬼夢蔭
眾竹林俛瞰曲沼水我時膺微病愛客強倒屣君徧交雋流問
奇日接趾潭潭邁古思汲汲諉聞恥鼎彝如聖賢書畫比高士
吾徒來攷諏涎流復掌抵因之張酒軍又且築詩壘古人寄精
魄時賢其根氏宵登定王臺佳氣正燭此自余出山去十年曠
彈指扁舟逐野鷗同向湘江艤園屋頗荒寂問君何意旨君言

軍興後蕭索到城市石骨幸未頽花光不復綺主人踰半百未
衰先嬾矣嗟嗟子胡然百事貴振靡烽煙況漸息湘波轉清泚
奇石解媚客聞我足音喜願君勤護惜先與滌垢滓翩然齋起
立睡醒相笑視環以好花木映茲古圖史金石壽萬年書畫壽
千祀與石同不朽祥雲常繞几靈芝日日生芬馥閒蘭芷供養
季詹翁永永受福祉

研蓀以詩代柬荅子敬弟酒後率和其韻寄子敬弟小
橋

小橋距城七十里隔日必展叔子書無如見面大不易似地兩
角天兩隅最羨鄉居布衣履自視渾忘農與儒我昨東游九溪
洞山風吹髮雨潤鬢往來小橋得信宿窪畦有芋鉞有魚果是
吾家兒女好繞却洛誦矜鴟塗遂令伯伯笑脫口一庭樂事環

妻孥別來忽又念餘日河西兩叩尖山嶠每鄉閒歸方拂塵羣
稚走出掘衣趨弟兄叔姪盡孩孺沾帶書氣咸清腴秀才風味
到汝輩豪家富兒焉能如笑余不解樹藝事諏稽經史增煩紆
子於農書稍有得料量瓜疇兼芋區鄉間小旱蔬果乏不辭匱
勉求有無計從粵山起妖馘軍興十載稽天誅江南烽煙滿吳
越江北鐵騎援淮徐近者楚軍屢獲雋已由皖霍戡舒廬
嗣皇初政大整肅聯珠合璧應貞符懽哉將星一朝墜瞑目不
見公奏膚胡詠芝之述戎機雖已見回斡斯人殲折非天歟念
子學道日有進閱歷憂患夫豈徒今日幸得鄉井樂能不同想
生悲吁梅根居士勤誦黃文字賞析爲歡娛涓漣水道亦細事
乃似研鍊京與都我側聞之甚愉悅清氣勃勃生衣裾重陽風
雨忽已過或來補插紅葉萸

九日馬王廟和研蓀韻

老懷非復壯年同幽趣偏尋冷淡中菊信任荒彭澤徑今年未見菊

桐陰偏覆梵王宮廟中雙梧樹秋來始覺煙雲活醉裏猶能意氣雄

多少過江詩酒伴前游十載笑恩恩嶽麓登高者頗多

研蓀偕張星樓看山有詩索和

每到鄉邨怕入城深秋風物不勝清頻聞境外銷兵氣尙苦田

間少水聲聲余屢下鄉農家甚苦秋旱把酒暫拋時世感兩君於田舍痛飲看山能說

去來情星樓精地理祇余一載填簞樂節過茱萸別緒生子愚弟將入都

梅根居士飲胡恕堂中丞別業有詩索和復就近事書

懷皆次其韻

長沙幾處好池臺曠寄園中最豁開久宦笑看松樹長良朋能

爲菊花來別分小園培維橘巧構欹牆讓古槐雖得主人道好

事不論時節勸持杯

痛絕

先皇聖智握靈臺初政憂勤日講開輔弼多慙經術淺儒風未
振寇氛來驚聞

鳳蓋游丹水痛絕

龍髯黯翠槐性命身心

溫訓在金莖何羨露盈杯

憶顧祠

祠宇十丈見方旁有唐井亭余得開成五年井闢置亭
中古雙松在祠北上下斜街古名上下槐街近年京師
吟社多在顧祠長椿寺松筠庵壽陽第

招賢自古說金臺昭代儒林顧子開十丈地容祠宇峙千年天

護井銘來經生歲釋春秋菜吟事街連上下槐多難益彰斯道
重幾人松院靜街杯

楚材

尺木能躋萬仞臺不圖生面十年開魁儒忍抱文章老大府多
從旅伍來玉璞未雕猶鐵石正根何必盡蘭槐楚材到底叢科
目桂子秋荒鎖院杯

寄懷曾滌生欽帥聞軍中不廢詩字

元戎超躋自容臺文武兼資幕府開湘勇義風連隊起水軍奇
智破荒來上江大振垂天翼吳會難容飽蝨槐毅力獨肩軍國
重尙蒐石墨舉吟杯

輓胡詠芝宮保客臘在太湖大營小住三日深談造微
君爲懷感

書生白面早登臺正大光明萬障開才看紅旂安慶山驚聞素
旄武昌來憤因樓櫓遲杭輦感到軍民痛觸槐回想深談三日
夜千秋學術太湖杯

左季高太常究心乙部自統軍以來戰無不捷現奉

命援浙

東望廬黃有將臺當年懷抱振襟開天心閣上尋秋去待石園
中醉月來血戰功勛根正史頭銜

恩寵近宮槐望君如歲惟於越趁及西湖雪夜杯

秋早

秋深嬾上定王臺日氣蒸蒸眼怕開晚稼難將農望補閒雲不
送雨聲來荒原愁詠王孫艸夾道空忙舉子槐時停鄉試最憐門前
滿潭意化龍池水淺如杯

入夏來桂花井吟事頗盛今研蓀將入志局爲之悵悵
習篆產芝皆君家近事

送詩日日走興臺炎節長時冷社開桂井坐看秋事過梅根誰
復苦吟來佳兒爛篆蟠新竹破屋神芝吐壽槐須念怡芬翁寂
寞謂念休貪官酒戀餘杯

廿六日開忠義錄書局於又一邨邨中有望湘臺聯珠
合璧八月瑞事

秋花環繞望湘臺又一邨中志局開耆宿競濡鴻筆俟風雲齊
護古魂來欽聞上瑞聯珠璧會見祥光照棘槐老鈍欣逢中興
日一編青史佐閒杯

研蓀約夜過談詩不至君本名汝槐今改汝懷
敢矜才氣擅吟臺詩境惟憑道力開我本苦心攢藝出人誇奇

想自天來淵源屈宋餘香艸井里牙夔有老槐良夜不聞寒屐
至閒園冷看月如杯

脩鉤圍合碑爲近日快事吾硯從來不洗右腕漸頽研
菴時以爲慮

書勢如營百尺臺家傳風矩有先開名碑近喜雙鉤獲醉帖難
支百索來老硯落生荒徑石勞肱筋似病餘槐頽唐轉笑奇姿
出折腳茶鐺竹癭杯

看西臺治屋仍與芋園相接季眉住南巷釣樓九月齊
眉初度又抱弟三孫矣

齊年老友李西臺陋室重將粉壁開苦抱遺經如睡著忽驚華
構似飛來幽香已動新籬菊美蔭仍連隔院槐羨煞南垣眉季
好三孫環笑晉霞杯

子敬弟躬耕於小橋山莊余於中秋往鄉子敬以重陽來城兩日即返

中秋啜茗憩平臺直到重陽笑口開篠簞苞從城裏去蹲鴟擔

自小橋來耕田不憚親鉏耒改火偏能辨栢槐話到咎年憂患

事那堪長歎屢停杯

杭州初次破城時子敬以署糧道往滬杭寓中蟬鴉等或白緇或投池隣姪及新婦

邢氏皆以罵賊被斫傷倒地經二時許賊聞官軍來遁去僕媼奔至收視俱得更生

子愚弟北上登舟未發惓次翁招餞於李仲雲芋園初更始別

又從楚岫望燕臺兩樂遲遲未忍開落磴重攀兄長話菊樽仍爲故人來蛩聲一徑啼寒艸鴉陣千盤鬧晚槐卻爲隔城上船早禁持別淚倒餘杯

礪石山房辛亥年徐星城飲余於此醉後所題也今適

僦居於此星城久作古人矣

鼠姑芍藥舊花臺紫桂紅蕉次第開已屆凋疏霜節後誰期爛
漫錦秋來舊題我未忘礪石一廬君先醒大槐繁茂於今蕭索
甚回頭風雨十年杯

秋來修葺九子山菴廬將移居焉

一徑松楸叩石臺
荊軒舊傍亭堂開
半江涼雨催雲渡
九日山
巢連甕來田水渴
時勤堰過林陰疏
處補樟槐兒今老
作農家
子盛酒泥盆勝玉杯

秋後夜酌酒增矣

日繞經帷傍硯臺
諸孫心孔已能開
卻憐幼學親師慣
三孫更
喜升高作賦來
蘇大不墜清芬傳
簡素未須嘉蔭詡
庭槐
淡秋兒
女團樂鏡下書聲健酒杯

廿六七日大雨

咸豐辛酉秋設局志忠義先後兩中丞淡心出詳議大夫來九

能識職各就次

忠義錄發端於前中丞駱制軍今中丞毛公始定議設局於撫署東偏之又一郵所延諸賢秉

筆者爲陳雪廬吳子登郭筠仙丁果臣羅研蓀吳蘭屏鄧小松提調者黃南坡收掌者李仲雲共九人

正當秋旱

久是日大雨至疑是忠義魂驅使風雷勢沛惟十年來海內苦

兵事全恃楚南軍大振中原氣魄治經儒登壇爲將帥次者

職偏裨亦或備軍吏其餘各義民多勇或少智水陸相後先何

止十萬計盡臣迫捐軀優卹于膾謠拔戟皆慘烈許照陣亡例

効及幕中友子女竝僕侍有奏卽于旌有祠必附祀其實在此

列十中僅一二其它十七八難稽名姓地鬱茲精靈多乃作水

旱沴爲語載筆人事異表忠記傳聞恐失真閩幽貴董墜允宜

廣咨度未可意軒輊焉乎吳越蜀逆氛尙熾仍賴湘中軍二

千里赴利離鄉日以遠風土各殊異運餉越艱險又難刻期致
吾國無空虛它寇慮潛伺羣力事易肩客兵戰所忌欲善誰不
如凡百思代匱豈堪一隅力坐使天下媿雨聲非不佳又恐愁
鬱恣於我生民何念此不可寐

九月廿八日蔬盤小集黃月崖以詩謝次韻奉荅

三人六十有三同餘子年鈴上下中朱履七旬宜異席黃花一

取自成宮鄂跼竝占蓬山貴蘭玉爭看采筆雄想見介眉多樂

事下階履齒莫恩恩嫺黨中胡恕堂李西臺與余同庚皆六十
三易念園六十八黃南坡六十七羅研蓀

李季眉皆五十七九月初四君七十誕辰爲最長哲
弟臨卿恕皆皆由詞屈通籍文即五人俱少慧能文

萬卉千葩豔不同一年春聚晚香中緣離采菊金兼玉隔巷敲

詩商應宮儘有琴尊供嘯傲未須冠劍鬪豪雄閉門靜聽琅琅

誦馬驟車馳任促恩君書齋題晚香書室近日與
念問恕堂研蓀輩唱和甚密

緩公蹤迹野雲同甚暑羈縲城市中乍喜清風穿鶴徑淡愁寒
雨溼牛宮文章信有歸來好意氣惟看後起雄相視老痕齊上

面剪鐙長話苦恩恩

今年長沙酷熱余欲移居九子山莊屋修葺未竟

錦繡秋光處處同收歸連夜雨聲中桂花落盡馬王廟梧葉猶
鳴斗母宮梁上燕巢前月冷墻間雞唱五更雄無端棖觸前游
事一癡黃梁願促恩

當年齊相論和同不外鹽梅水火中快雨正欣滋菜甲膏腴或
恐滯脾宮腥膻象約徒依附春韭秋菘各長雄三五杯盤飾荒
陋咄嗟能恕太恩恩

次韻和易念國對菊書懷四首

癸影春明捷似梭卅年朋好已無多久離香案甘閒放歸與怡
芬共嘯歌秋水不如詩境澹晚霞空效酒顏酡近來

轅下新圖障鸞鶴何從問舊窠

冠蓋奔馳類擲梭古懷還是閉門多星沙秋色清宜畫桂井幽人靜自歌近市菊花何礙瘦向陽楓葉不辭酡兩翁襟抱同冰雪舊日寒梅活幾窠

羣芳代謝劇飛梭看菊何論少與多爛漫千枝堪痛飲盞崎數朵亦高歌歌將激處還愁破酒漸酣時不必酡萬事畱餘滋味足幽居未羨錦成窠

斜風細雨鎮拋梭織盡秋光萬丈多論事靜披前代史偷閒聊聽稚孫歌忽聞破屋驚防漏暫閣清尊不忍酡水旱可虞兵未洗瘡痍滿眼似蜂窠

黃月厓秋山補讀圖

蟬交讀書鈍難破日或忘晡夜失臥朝朝止似發蒙初恨少巖

師督程課月厓老人意又殊淡宵補讀少年書不知應補何卷
帙日日溫尋仍故吾精力差池漸非少心光所燭老方耀秋山
木落煙雨寒閣空清風號萬竅

補敘中秋後一日九谿洞之游次韻荅彭于蕃本與君
有約君因待它友遂遲遲未至

九谿之洞久願游望似縹渺仙人樓忽因看雨縱步至攬結長
沙無限秋雖有山人導先路未免捷足慙其儒君問九谿有何
妙聽我閒話須從頭大禾冲畔君家住我出東門見煙樹樹古
山淡何處邨主人迺歸客疑誤余到大禾冲君後至助人奇興由天公飛
來片月能相從塘腰嶺腳總清曠軒亭盡與山光通翛然走尋
小橋小中秋佳子弟敬處無月弟姪歡呼到何早前宵有月中秋無一掃
乘雲浩沓大雨繼客驅羣龍不圖今有游人蹤九谿竝力尋

過千盤百折能春容昂頭步出洞門外轉覺天高萬山隘谿聲
挾雨如雷霆似訴狂流遭扼礙半年游事此最豪不待九日方
登高念君印須未卽往懸想使我中心勞

謝胡恕堂送菊

蛺蝶開府在浙中蛺蝶持節觀蜀風翩然歸來若先後疏散情
性相視同蛺蝶太拙無立壁回鄉僦屋如寓公蛺蝶粗略具園
屋卅載營葺清俸空園中有水有竹木今年好事添種菊先時
苦潦後苦旱荒到黃華瘦且突時招蛺蝶相嬉娛謂是慰情良
勝無豈知蛺蝶傲成癖何處菊非我有乎蛺蝶相視如肺腑婉
言移贈求聽許送來一擔三十窠雨後鮮鮮皆帶土蛺蝶喜極
呼詩孫掇刮醬鉢與薺盆昨日無園固無菊今日有菊斯有園
蛺蝶種花將十畝畀此區區亦何有止憐今夜東籬獨對月

明憶暖姿

恕堂首唱白菊花詩月厓念園研蓀皆和之余亦次韻得五首

半生踟徧輓紅街歸對幽花愜素懷冰雪正宜勤印證丹鉛無事巧安排欣逢老圃秋香晚最稱東籬夜月佳餐到落英尤愛惜瓊瑤咀嚼勝清齋

嘉名題徧小牙牌花樣雖殊共雅懷自抱芬芳忘色相忍將黃紫強驅排拈髭頗媿酡顏映插髻還宜素面佳欲畫先愁難著墨薄紗晴日寫蕭齋

秋後尋秋曳破屨瓊尊到處儘傾懷瞰湘樓畔千珠麗聽雨堂前萬玉排送酒時逢白衣至論交果是素心佳歸來夜氣明如雪一笑敲門月到齋

恕堂仲雲兩處菊事俱盛余爲茗芋屢矣

嬰鑠羣賢洛社儕相忘霜鬢動幽懷金英嘉會聯翩集白雪新
詞次第排如此風神何處寫不施塗澤自然佳疏枝伴我清如
水孤賞惟宜閉小齋

敢云高格俗難諧化盡今情與古懷太素靈根原不落重陽猛
雨漫相排未霜早已經霜鍊無色甘輸有色佳卻洗繁華成澹
泊告祥虛室悟心齋

恕堂惠和謝菊詩旋遊嶽麓三日而返次韻奉柬

軍興棲棲十二載何處高人有邁軸白日出矣燭將息尙爾紛
爭等蠻觸惟君與我野逸性耽狎山水如骨肉無端天許略識
字緩鹿形骸點科目宦海翩然一櫂返君粗有園我無屋偶然
木鴈見參差仍似雲龍同起伏知君不日出山去

聖人構廈方求木我甘瓠落自頽放巖得閒身蒔梧竹九子山

集事補葺百家田莊竟虛鷺秋後尋秋處處好不問誰家飽看
菊醉時狂呼酒星下醒後靜知霜氣肅菊花漸瘦詩情肥風露
淒清飽蟬腹最後東籬潔白姿幻出大灣文字福君居處本
福名大灣君吟罷去游山閒似白鷗健黃犢多年節院飢官膳尙解農家
甘野歎題詩作記真便好何必歐九與孟六

留菊東熊雨臚陳海陽兩君卽日別去故有次首

非秋能有菊惟菊實有秋所以秋去遺金英氣方邁連夜霜候
肅稍令剛情柔屈伸亦任運造化本同流孤枝尙自豪寒節不
敢離婉婉詩人心欲挽臨去轉或云此花性不隨人去留援之
亦可止琴酒與由由何必柴桑隱不與柳下儔

豈無青青松亦有森森竹雖然其情性未可偕食宿惟有此花
意冷逸不嚴肅遂使好事人招邀來不速雖多不嫌煩雖少不

見獨昨日兩詩交吟聲忽相屬合併豈偶然留客並西菊客如不可畱請菊入我屋伴我歲寒時棲棲幾枝足

次韻和黃月厓西菊二首

佳色雖分紫白黃居然一例耐清霜人心易厭希斯貴天意偏鍾晚更香真有性情如遜士目矜風骨殿羣芳若非寂寞蕭閒恨誰識東籬氣味長

計從分種漸擗枝看到花開似少遲恆久足酬培護力貞元豈
新息消時半庭別思吟鞅繞昨夜嚴寒酒殘知賴有早梅堪索
笑莫將來去苦思維

梅根居士屬題桂井尋秋圖

笑我詩成句已連梅根拈得恰成圖千年桂井閒來訪滿紙秋
痕爛可呼勝友廣酬匹韓孟癡孫濡染到顛迂老煖醉仿公方

表風戰巴蕉雪片

蘇居士因余有走桂花井尋秋痕之句始令吾孫鍾會畫是圖而屬余書首友朋題句

已不少矣

門人朱睂君自粵來湘小住邀同遊曠寄園主人恕堂
中丞畱飲薄醉後口占冀諸君同詠同坐有葉東卿太
翁

幾處看花有酒香
蜺園古說破天荒
小畦殘菊雖零碎
畱與羣仙醉夕陽

題門人朱睂君詩卷時由粵東來卽返蜀也

自都南行莽行路自粵東來西蜀去
睂君別後壯游詩是我蒼茫未收句
爛若雲霞捷似風江情海思一
鐙紅愛惜年華勤樹立休將褐玉付
塵思

九子山巢奉答沈小鵬

一別河西又十年論交況是廿年前欲將出處從頭說
花盡黯然

九子山前闢艸廬享堂營構識君初傳家自有遺經在
未特司

空城旦書

何公雪友先生
著有讀經心解

山巢曾啟授經堂歲晏門生種樹忙吾友喜擎奇木至更將佳

記潤瀧岡

辛丑夏先公葬後余授徒於山廬秋冬閒
門人種樹君亦送植嘉木且爲作種樹記

笑我游蹤不可轍雲煙染盡使臣衣春風又返湘江櫂五嶽奇

嵐滿眼飛

辛酉二
月回湘

盛暑披襟訪小颿酒杯未舉臆先饒兩翁一醉連晨暮赤日蒸

簾月照衫

書聲難得野廬聞幼子童孫盡誦芬欲識百年門第舊玉蘭丹

桂已凌雲

一家忠義氣峻嶒毅魄須知舊德憑
得白頭真健在青燈老

屋課孫曾

哲兄聞衣先生
橋梓後先殉難

土銕甌鑪老瓦盆庭軒轉見樸風存
當年累石栽花地入望青

青化菜園

管年花園今
皆作菜園

秋來吟事劇縱橫細雨斜風送滿城
昨夜月明霜信緊高空野

鶴一聲聲

山中日日有詩筒奔走耕奴與牧童
老健吟聲若飛雨湘西頃

刻到湘東

暖翁一墮水雲鄉擬把漁竿入渺茫
吾子拳拳天下事濟時懷

抱幾曾忘

安排江畔載書舟移置山巢木板樓
傳與兒孫勤講貫丹鉛何

敢問千秋

南坡處飲歸得念園研生和逋字韻詩漫成三律

謝客局門懼索逋園鑑品畫亦良圖連宵雨雪天難醒晏歲鵲
鴉陣亂呼半世游蹤知太縱歸來生事亦何迂蒔田易買今難
賣頗悔躬耕計慮癡

五夜雞聲

逋欲逋嚴寒泥對北風圖偶逢名酒能頻酌無那鄰

翁不可呼

研生久不見過

蕉竹任填荒徑滿兒孫休笑老翁迂來年春

水孤舟起

試擘滄江雪浪巖

雪後滅頭烏尾逋宛園寒色自成圖羣賢雅集真非偶騰蛟敲
門不待呼蕭坐高談杯易倒沿池獨步路忘迂歸來快展新珠
玉錦畫筵前意氣儼

贈張潤農同年時相約明春晤於桂林

南山之南北山北健翮扶搖有神力妖氛一瞬十餘年壯志安

能六月息張君驅賊如驅風怒馬獨出先騰空超峰越湖止平地百戰百勝難爲功張君使筆如使弩落紙聞聲作奇兩詩壇勁敵靡不摧迅露才鋒仍嫺嫺同舉令將三十春是科得士盛莫倫益陽宮保大星隕文武兼資更幾人如君才氣今誰偶每接雄談甘繭手衰庸謬辱過推激精力何堪重斗數使蜀歸來百計休艸屋已葺尖山陬尙擬編摩了殘債敢云繕述期千秋平生魂縈山水緣但覩高溪腰脚健連臂飽聽桂林奇杖策相隨待接遊

朝綱大振方中興民心士氣皆軒騰看君慷慨樹勛績更茲遲回畏友朋

爲長孫鍾曾授室武陵余氏詩以賜之

好風吹送武陵船恰趁吟梅詠雪天湘上更添歸隱樂鍾山迴

憶抱孫年承歡喜晉重闌酒佐讀精求古聖編教愛無忘曾祖
母長思勤儉是家傳

東坡生日作東研生

連晨清理古簡編漸向九子山巢遷欲雪不雪天蛸蛸老暖燈
躋卻復前羅子片語相詢研問予壽坡曠何年予笑欲答口迫
遭賢豪自古星岳懸獨於坡也何私焉豈非節義文章全兼以
諸蕤輝山川愛極頑豔包媼妍皆藉是日稱祝慶我半生來興
几筵每偕韻士勤周旋自喜跌宕無拘攣或謂蹤跡同髯仙誠
有微尚願勉旃野鶴敢效雲鵬翥哉仙儒沈石天謂宋無詩
三百年大瓢頗負金石詮誚坡書遜涪與顛墓墩自詡洛緒延
復九世讎吁可憐是皆蓬陋迷愚賢虬蟬撼樹自僵癩紫陽大
儒操聖權詆訶蘇王指微愆介甫豈竝和仲肩閭蜀分嶺怒太

偏我嬰此惑心惛惛羅子或解茲縛纒聞君將回石潭淵我亦
欲買蕭巖船芋園山茶紅欲然梅花亂開花萬千何不少緩風
颺翩但有刻暇莫庸捐尙可命酒相獼獼時逼歲除萬慮填壽
坡且乏一殘圓聊與感概寫是篇我公千載歸宿躔下視人世
如蠶眠是非毀譽空雲煙

研生將返石潭度歲次韻奉懷訂明年早來之約

剪燭淡譚每入魔漫嗤文字類蛛策詩懷萬里寥天鶴書勢千
年宛頸鷺求友古歡勤會合表忠新錄待蒐羅長沙春色珍無
價休戀石潭煙水窩

次韻荅念閣

鎖院多年入秘魔後先聯步占高科君戊子己丑
余乙未丙申星曹君似追
風驥瀛海余同泛清鷺老去江山同几席向來名位似琴羅

花四壁書圍坐便是淡冬錦繡窩

東洲艸堂詩鈔卷二十四

道州 何紹基 子貞

野性 壬戌正月初九日

馬洛歸來狎薜蘿山巢粗構息心窩無端野性隨春發萬壑奇
山入繆多

解纜

看山持節舊詞臣游遍閩黔粵蜀秦野逸本如狻性格超遙真
有鶴精神閒來賸欲勤幽步老去尤當惜好春解纜不煩兒女
送舟人一笑是知津

望見衡山

不知春信幾時還散在鷗汀鷺渚閒漫水溶溶三百里開篷一
笑見衡山

聞寶臣蓉峰兩丈後人秀才尙多喜賦

科名彭聶盛當年殿撰詞林競後先五十年來蕭寂久秀才多見子孫賢

衡山飲王芷庭廣文署

廿三年別悵離羣苦酒淡談易夕曛何日刺船樟木寺共揆崇

岫采奇文

君言由樟木寺二十里可至岫巉峰看真禹碑

劒心塘追憶李小坡

家風孝友最難忘一第蹉跎死異鄉聞道門庭轉蕭瑟幾回淚

灑劒心塘

春江

幾處漁邨欸乃歌輕煙染就萬峰螺鳥篷搖入瀟湘路纔信春江是綠波

正月廿三日於桐軒大令陪游潛溪言楊海琴太守方
議重修廿五日至海琴郡齋談中興頌碑有作用山谷
龍

歸舟十次經潛溪雨番手拓中興碑外觀筆勢雖壯闊中有細

筋堅若絲咸豐紀元舊題在時方失特悲孤兒石柱上有余次

年持節使蜀西劒州刻如飢鶴栖劒州中興碑從既無真墨本

上石何事展轉鉤摹爲唐人書易北碑法惟有平原吾所師次

山雄文藉不朽公偉其人筆與揮當代無人敢同調宋賢竊效

弱且危涪翁扶藜凍雨裏但憾元杜頌與詩公書固挾忠義出

何乃齋不贊一詞海琴桐軒喜我至珍墨名楮紛相隨書律淡

處請詳究拓本成堆吁足悲

二十五夜恭紀

長沙接

新詔嘉平月廿六中述

大行事似聞

宮中哭其夜雪驟至江山靜且肅三日放晴霽春陽氣潛復元
正廿五日永州始開讀正當暄燠甚飛雲忽成簇芝城山上望
寒氣森可掬

嗣皇方幼沖聖性甚淵篤所以

德音至天心必懋觸恭逢

兩宮聖賢王資啟沃好惡迅鋤竊賡荷悉甄錄善政日有聞中
興不煩卜吾郡雖僻遠民醇士風樸退密到鄉隅縞素被樵牧
列聖所涵濡普天實一族指期烽火靖帑宇年穀熟元氣大培
養教化勤振育

丕基萬億年機關此日伏小臣頽廢久日與雲水逐貞符煥雅
頽老筆敢辭禿

海琴太守招游朝陽巖卽事有作兼柬白蘭言學使

城中碧雲庵城西朝陽巖太守簿領餘於茲拂塵衫巖開次山

題銘語初未鏡上客有鄧子

鄧守之乃完伯先生之子作篆有篆法

法紹斯冰巖

千秋缺事補光怪發嶄岵構亭曰篆石命酒與客咸

海琴新構篆石亭

酒闌索我書筆突墨不黷我將九疑游便挂灘水帆洞壑多鋪

扇神鬼所祕緘樵蹤或偶觸游屐空相僂豈惟題記絕太古艸

不葭安得視斯巖城郭影相銜特因易探躡未免邇塵凡登高

試一望羣彥來彭彭瞻仰御史臺文字知酸醎樸學罔不甄華

士奚能擬軍興越十年妖穢餘槍櫓宜有異材出與世靖疆巖

深山卓逸倫不受譽與譏瑾瑜匿在璞孰爲別厥嵌近玩必不

奇扶輿豈厭嶢君喜應曰然非止游者監夕陽忽在西暮靄霏

松杉高齋仍翫燭翠烟爛藤窗

回署後縱觀沿溪淡巖諸拓本

陳敘堂留宿嘯雲山館談及十年前灘聲中乘醉作書情事今竝灘聲無之矣

嘯雲山館我題曾白幅煙雲醉腕能今夜灘聲落何處十年前事冷如冰

正月三十日到家與翼堂雨亭兩叔父連夜話

作客如在家還家如作客望見東洲山惘惘先自失敬叩諸父老有叔已無伯相見雜悲喜環繞諸弟姪此別似非久轉眼若疇昔感豐歲辛亥年載東門宅祠堂及書塾同日啟三役少壯職監工長老董冊籍僉云百年來重構若新闢誰期未三載賊氛來咫尺骨肉慘流離土木難護惜焚掠經屢番辛勞付一勞

我雖目未親聞之舌爲昨年來遠烽埃漸已靜魂魄支勞破牆
壁尋檢殘書冊悲哉十年事恍若一世隔尙憐脫落性謂以迂
被謫一官吾豈戀浮蹤轉自適肫肫諸父情樽酒屢接席家常
與時事感歎無晨夕兒曹鐙尙青老我髮爭白八歲卽出門萬
事有更易今年六十四何堪數駒隙昔歸皆住大書房今爲賊
毀借在小學生書房值塾

師應試
往府也

探花第二月

乙丑先公及第初探花第額手親書一庭忝荷

隆恩庇三字仍輝劫火餘差幸奇疆畱馬磴重題木主奠神居

不堪夜夜門前月一片荒落是敝廬神堂爲賊毀止先公書採
花第直扁及小子所題

恩隆九陞春滿一庭聯語尙存西院祖遺屋
一林今成荒地此次所居小書房卽在其右

鶴鳴軒

鶴鳴軒本大書房聊借東洲勝艸堂桂苑高撐雙樹月橘園添
染一林霜百年講社成焦土一曲瀛橋護水光環秀孤亭無恙
在諧軒詩境付蒼茫鶴鳴軒本先公授經地昔年居此因門對
東洲山復勝曰東洲艸堂竝題詩境扁補
放翁古迹構小軒於新買橘園之前修諧其中題曰諧軒東廡
有小池石梁跨之先公題望瀛二大字東南方余建六角亭題
曰環秀今書房各景俱毀
惟石梁及六角亭在耳

謁曾祖父度昭公墓

甘溪先隴百餘年今歲清明有墓田賢宰殷勤與培護曾孫敢

惜買山錢

公墓對岸山有人謀葬久矣今將岸山及中間小
田洞買得又請州牧賴古愚退出岸山盜買偽契

龍江橋謁高祖父簡在公墓

田水聲清野樹鮮山光大勝十年前元孫文武多通籍地氣居
然有轉旋

謁祖父章五公祖母鄭太夫人墓

公山難禁采樵兒愴念先公負土時紫竹一林偏好在青蔥長

護

詣封碑

暮在溝樓嶺公山內故種樹難於長大先公每述孤露時負土之苦輒悲泣不已

舜陵

恆山之陽帝攸宇南面無爲萬方觀九疑陵廟乃北鄉魂兮歸
來戀中土神器有託有何憾天下臣民淚如雨計從受命神宗
後萬機大錄已授禹帝因耄期代巡狩亦藉游觀節倦苦有弟
封邑百里近湯沐無勞璧假許初致山祇效玉琯遂使苗民格
于羽山國俗不隔時代二三千載猶父祖至今春秋肅祀享尙
感遺風獻歌舞南荒畏神兼服教何異冀都星拱聚古皆有死
葬者藏神歸於天掩其腐委蛻於斯蓋末命九州何適非展寧
後世山陵示不廣飾觀不止封與樹同治初元

命祭告承宣憚公奉香俎野人看山乃先至末由伏瞻盛儀舉
皇華未臨特靜曠游屐方貪躡溪阻三日風雨任逐巖巒已
可談其巖吁嗟塗山會玉帛南征不歸踵前武禹陵窆石今尙
在我嘗手拓筆可數亦如承帝曰咨岫嶠碑萬俟學僮藉稽古
豈若重華天子體魄嚴且神萬代茫茫迷處所

九疑

一峰一峰高狃天峰峰相望不啻千舜源一峰獨崇正儼似帝
座中天懸南服作鎮故北鄉匪巍巍德曷配旃九峰蓋視山澤
例數究於九包者全豈若三十六與七十二紛紛附會多糾纏
溪巖祕壑況無數靈氣孕結萬竅穿水精六角洞洞有寶光上
燭牛斗躔豈惟惡蟲薺獸所不至化盡霽霧空巒煙三分石濕
自天下又在舜源峰後萬丈顛瀑飛冬夏不息竭分注楚海爲

大川由茲融洩五嶺外匪僅大江以南奠伏堅嵩高既據豫州
壤其四嶽者必在邊古來南嶽之議久未決西京徧陋至以潯
阜權中原浩浩抵南海其間嶺岫勢蔓延欲定一尊主宰是茲
實峻極不煩偏祝融石廩藩翰耳火維神柄焉能專重華宮中
受玉琯天貺已在南巡先陟方省方古今語禮視恆岱玉帛虔
上古聖人秉奇壽百齡而外亦暮年若使衡山肅柴望何又南
越千里不欲息厥肩我來虞帝廟下宿星月炯炯不得眠五更
起瞰眾峰影萬靈劒佩濟濟鏘鏘然列朝方嶽祀典何敢議不
見高文巨識唐臣元結圖記炳在編

王繼齋攜榼陪游夜宿西灣張秀才家

不問山頭與水邊一壺雨後又陶然狂蹲破屋同聽雨氣奪寒
雲已化煙笑我老愁危徑仄喜君閒識野游便西灣暫借書堂

住翦燭論文得醉眠

張氏兄弟言前數年楊紫卿寓此道吾蹤迹甚詳紫卿
昔至鶴鳴軒邀同遊九疑余以病不果今紫卿歿數年
矣

山裏逢人說子貞知君先我九疑行年來怕聽山陽笛誰復高
懷似紫卿

游九疑歸宿縣署爲陶勤子大令話生平游事

生長月巖濂水閒老來才入九疑山消磨筋力知餘幾踏遍人
閒五嶽還

次韻蒼楊鵠臣山長

跌宕嶠崎憶壯年於今相視各華顛欣聞士論如瞻斗快引詩
懷似湧泉聽雨不堪尋舊約謂哲弟紫卿談風且喜接新緣陶勤子大令

約蕭厚却廣文酌話於談風小語高齋近挹凝峰秀多少幽奇待寫宣

逍遙洞

去城五里近迤迤入溪松山氣冷疑雪洞聲瘖有龍春開野田

罨風送隔林鐘霖雨此時急萬家稀晚春洞中聞可祈雨而縣境初春已缺米

馬王廟拓得乾隆十九年重修廟記何氏列名自吾太

高祖輩至祖輩共四十八人高祖簡在公會祖度昭公

皆與焉外姓三人而已曾伯祖五如公諱志偉後以書

名於時今多傳寶

當年武穆有賢稱廟貌東關許式憑賴有江山壽文字肅然規矩見高曾甘霖每歲精禋報翠墨吾家世澤承最是乾州老學博書名今日尙峻嶒

瀧河雜詩

片雲遮斷碧巉巖何處飛來雨滿衫難得前人能好事題名往
往在懸巖

湘波一折萬徘徊天上閒雲落酒杯正苦前山無路出翩然巖
罅片帆來

養成癡癯是舟行臥看春山一枕橫洗得耳根清淨澈前灘聲
接後灘聲

矮篷

晨興常在榜人先夜酌從容俟泊船翦燭呼杯殊雋永披襟看
水最澄鮮仙詩入拍宜高唱瓠吏咀華欲廢眠昨日矮篷拘苦
甚於今習慣亦陶然

舟中惟讀班
書太白詩

風雨中聞鴈

稻梁何術療寒餓雨溼風橫力轉微漸入雲中看不見銀難何

苦更高飛

全州壽佛寺時方募化重修

人人有肉身金漆可不朽此佛今安在何爲無量壽十年楚粵
交烽火葬紛糾棟宇亦頽傾法力竟何有軍書日夜過民氣尙
難守重修宜少待兵銷歲康阜

飛來橋已圯

我笑仙人橋飛來復飛去不如磐泉山泉聲萬年鑄

白沙卽事

頻番兵燹損人家幸有春風庇覆賒廢井頽垣行迹斷一叢開
出紫薇花

姚賓君畱飲興安署齋

交舊何辭百廢多雨聲滴遍訟庭莎貪看一路奇峰岫代覓敲

篷下斗河

出斗河入大融江

斗轉颺馳下急瀧波平漸入大融江斜風細雨春溪候燕子飛
來定幾雙

爲張潤農同年題杉湖吟舫額輒綴短句

命酒長沙甫隔年翦鐙重話桂山前杉湖樓上淡春雨似泛江
頭鴨觜船

陽朔看山

化工不好模鑿山去堆垛牽連使相屬扶樹絕偏頗飾以好花
木雲煙生婀娜中原粗就理鎮之五嶽可天公力旣孱萬靈爲
之惰邊隅各峰巒任其樸銳瑣千里成破碎平地出巖巖欲連
不得連將墮不卽墮奇形雖無窮百置不一姿無由稍遠焉

態同一裸率其元氣始爾爾而我我化工技藝窮發我笑齒
畫山

世人愛山不識畫可信天工難假借世人見畫不識山墨采筆
痕誰脫化扁舟看山入陽朔兩岸巉巉天易夜風沈雨晦鏡不
明萬影圍船森可怕清晨雨止風亦靜日光萬道箭鋒射石壁
百丈高入雲果似天然畫圖向空挂渾含光采金碧現透露形
神虹月跨鳥乎此畫我曾見似入武梁石室朱鮪舍又思上溯
三千載禹鼎圖形或其亞仰觀久之目爲眩陰晴似詭變更乍
止愁世有愚公山可移謬云畫妙通神任譌罵何如縮作小硯
屏傍我幽齋琴几墨牀與花架

北歸

看山陽朔信離奇錯愕相逢喜又疑風雨未停吾亦倦重三日

是北歸時

陽朔回過錦屏一路

是山必有巖是巖必有洞本自莽堆積因之生罅縫號竅風過
蕭乘虛泉入甕居然韶濩音寄此金石弄山頭妍醜形各肖眾
生眾如人亦如獸如佛如龍鳳造物方胚胎生氣未及動中原
化工巧先得靈機用邊工自慚拙嬾復勤琢磨至今模植存長
作古冰凍成形不成形依倚相錯綜烏乎甄陶難忽使我心痛

錦屏

萬岫雨餘出奇哉雙錦屏鑿開天竅突規就月神形肉好露環
璧巒巒爭尹邢好游知幾輩誰暇此題銘

題李松孫詩卷

珠樓綺閣化荒邨誰識當年板栗園難得草廬能澹蕩居然餘

韻有松孫

松甫先生詩法蘇州故晚號章廬

桂林畱別

初五

六

七

八

日

徧游桂林諸山皆以巖洞

勝王竹三

觀察劉蔭渠

中丞張粵卿

方伯蘇虞階

廉訪

排日招飲

初九

遂北行

矣陳香林

觀察劉湘芸

太守之

約俱未及踐也

桂林主山稱獨秀形勢居中巖圓厚石磴天然不勞發高三百級足力穀前代藩王規入圍今之棘闥藩府舊人文科目山護祐學術事功炳傳授七星巖上應斗宿遙瞻崇麗懸紫山飛廊山閣宜宴侑有洞摩膠萬形鏤游者秉燭攜薪標棲霞幽異是爲副昔有佛屋踞其脰桃李花時冠蓋輳惜哉荒頽毀自寇黨人碑拓久藏購龍隱攀尋杳未覩斯爲缺憾使心疚月牙山似上弦候林木絢榮石色皴近接衢市喧午晝象鼻臨江趨且艤

其中空圓天所竇背負浮圖難決駮老君騎牛形佝僂面色歡
喜不悶瘦其旁巖泉冷難漱龍吟有聲靜不鬪風洞之風竟日
吼卻嫌顯敞不遑裘縱觀此邦好巖岫中心瓊瓏四壁透補天
無術萬古漏非雪非露非雨漚漚出自石膚腴久之滴成眾人
獸樹光濃豔新錦繡落痕詰屈古篆猶有峰莊肅尊且壽其
旁列待似其筵又或缺脫要傾仆它峰側視不扶救亦有連屬
相左右泉石千聲廣樂奏下者無情莽砌湊離立相向長與費
我疑抱奇惟恐售外示模醜內氣茂掩匿珍祕察究神鑑鬼
匠潛鑄構天長地久不停逗欲觀其竅發其覆且竢千年萬年
後平生游事戒紆謬捷疾愛躡風雨走曠息雲嵐滿襟袖張子
題別重邂逅杉湖樓好得宿閣諸公相存招必就止踏新甌
陳雨半世看山談頗富醉後摩窠飾吾陋恩恩惜別何日又奇

許重探與重叩棕轅竹笠老更忙歸篋出詩咤孩幼

三月初九日過靈川縣

昨日風清雨不大今日雨狂風更怪離雷忽妒風雨來州樹雲
嵐都破壞須臾日出萬態靜四面好山爭入畫天公豈欲恐行
人游戲無心聊一快

到興安欲往觀湘灘同源處因風雨不果姚實君書來
敘別言湘灘異源同流後仍分注耳

同源異流我所聞異源同流君所云湘灘相離定何處越城嶺
上堆寒雲天一所生止是一本無清濁與合分主名山川強區
別水經地志多糾紛我從九疑入桂林通家邂逅姚實君扁舟
送我下灘水贈以越酒清而芬狂游十日我再至未緣剪燭更
論文惠書惜別語鄭重甚念盍簪感離羣我方放浪狎江海君

羈官職清且勤東南烽火事正殷何日盡罷江上軍清平會合
益容易先宜訪我湘江濱人生意氣儻投契殊鄉異井如榆枌
豈若湘灘兩水一判不可合南流北駛波浪空沄沄

蔣蕪泉方伯送酒

來時如風去如雨不知定灑誰家土來時如雨去如風兩屐一
笠先騰空平生跌蕩不沾滯簡略離披似遊戲濁賢清聖稍辨
別未免牽連擾人意裕時卿楊海琴姚實君葉論孫知我好游
能賞春或顚或石飲以醇蕪泉蔣侯更豪邁越樽大甕來十輩
雨師風伯聞酒香一夜狂霖浪澎湃朝幾殘暮幾鍾我雖辨酒
非大戶百日可免兒孫供烏乎賸侯雖我愛得無芥蒂存吾胸
日日船頭看好峰山色之好比酒濃呼童舉甕委湍瀨去醉江
湖蛟與龍

過全州

山桃野杏已懷新
水面寒多氣未春
直下湘源三百里
船頭不見賣魚人

客舟猶趁晚春歸
目極長空入翠微
柔艣無聲灘疾下
亂山如鳥背人飛

興安坐小船到永州

坐處卽所臥臥處卽所坐
三日蝸在殼一身蠅
蠅蠅葉舟何足吞灘聲吼逾餓
風雨篷不開好山孤負過

城牆塘

永州西南城牆塘
石壁高廣不可量
元顏不敢疥一字
畱與萬古照清湘

老步頭

古樹平坡老步頭，瀟川於此會湘流。其中半是濂溪水，合我迴思營道州。生世豈無鄉社戀，浮蹤慣作萬山游。元公自適非忘適，徑指匡廬作故邱。

海琴邀同龔譜香羅執甫伍雲青黃叔元游府學後之華巖巖

永州之石無一頑，茲巖況近壁流環。春寒才喜艸全碧，秋晚預知林盡殷。癸丑蓬樵老詩畫賓朋菊日共尋攀，使君愛士希前哲。日挈吟儔叩薛班。余藏蓬樵詩石山九口登高詩畫冊萬石山即此處也

贈海琴

詞垣幾輩接苔岑，遇子如聞海上琴。瀟灑真宜永州守，編摩猶是史官心。喜聞杖策先疑嶽，且聽銜杯說桂林。九疑君先至桂林則君所未到也固圉勦勞繁，全楚未應容易說。投簪守城功吾郡人至今頌之而君頗有退志

家書中得錢香士鄭小山濟南惠書卻寄

香士居大明湖上余題爲因寄湖莊庚申春夏間余與鄭小山杜芸巢李竹朋時時宴集其間四君皆先公乙未會榜門人余方主謝灤源書院也余歸後芸巢入都竹朋返里小山督學任滿將去與香士盤桓湖上書來皆言風景之佳有過昔年而良朋難於合併矣

鵲華山望大清河歷下從來雲水窩蓮子湖頭秋信早鐵公祠畔古懷多三年老學慙鉛槧五竇清游戀軸邁今夜故人應入夢蘆花風裏聽漁歌

陳巽士贈兩雄雞竟日喧鬪分置兩籠乃靜

忍聽喧呼鬪兩雄寬閒分世綠筠籠雙鳴時與邨雞應未覺羈栖在短篷

逆風

寒雨連江又逆風舟人怪我屢開篷老夫不爲青山色何事欲
斜白浪中

於桐軒大令以吾舟太輕命石工以修城石十二方壓
載皆采自浯溪者

浯溪選石護城根移載偏舟壓浪文九子山巢好安置待看生
出故鄉雲

橫塘

雨宇橫塘憶舊游幾番鶻詠萃吟流不知今夜吳門月照見何
人上虎邱

夜起

雷雨收聲天曠然幾星漁火照鷗眠月明風軟波如席半夜披

衣看放船

北望

零陵北望是長沙九轉湘帆任直斜兩岸青山仍送客一江新
水好還家饑餘小把清明筍渴到頭槍穀雨茶諸路烽煙苦未
息益思本務在桑麻

午睡

午睡催搖櫂宵餐待泊船泊時杯箸靜搖得夢魂便風雨蒼茫
至雲山浩渺邊我懷隨所向去住總由天

順風

晴雨無端不可猜蒲帆齊待順風開春江化作驚花海水面翻
翩萬蝶來

晨霽

東沙州堂詩卷二十四
一雨五更止四山生曉煙花光爭火發鳥語比人圓邨舍短長
樹漁鄉多少船風和因水暖大好暮春天

衡州

晚飯衡州泊近城一天墨色使人驚沈沈竟夜雨難下隱隱前
山雷有聲暗浪忽乘風力健孤鐙時避電光明來朝兩岸峰巒
出放棹中流自在行

石灣頭

猛風催泊石灣頭一港才容數十舟魚市米坊如櫛比笛聲吹
出酒家樓

天容如漆電如梭忽露星光幾點多初旭到窗推枕起清湘一
夜化黃河

過衡山東陳鵠堂

當日官衙傍百泉歸來時步祝融頗好春可爲看山出韻外新
詩得幾篇

題蓬櫺癸丑畫冊信筆疾書有懷海琴

蓬心先生作郡時先公實受國士知平生於畫不甚嗜但得師
迹如侍師我初看畫特此嗜先公每笑吾兒癡兒今老矣癖更
甚謂筆外韻公專之永州山水天下獨一樹一石多餘姿十年
不調老於郡是官是畫深相資元銘柳記千載後公乃繼以無
聲詩官公之官畫公畫楊子海琴遇甚奇愛山愛客游必共日
日畫裏竝逐追我生是邦游頗習又從楊子窺未窺山川靈祕
討愈出不妨少得仍多遺烏乎公畫書味足文沈憚王非等夷
吾家仲子抱神慧於公得髓形能離與我孿生愴先逝忽覩一
幅心酸悲攜持不待主人至楊子感歎生懷其

余得子教畫吾
於王子數處

探鍾曾幼解畫課餘塗抹聽所爲我看山五十日後至桂林
先九疑歸來爲汝道其概或染數紙解我頤從來書畫貴士氣
經史內蘊外乃滋若非挂腹有萬卷求脫匠氣焉能辭是冊七
十四歲癸丑作休官鄂渚方栖遲昔年我主深源社陳子晉卿
能我詒合之卯已兩巨冊題曰三癸如鼎彝舊藏遂無癸巳癸
成三壬戌穀雨前兩日展冊萬感紛相隨石灣避風值大雨破
筆題字何淋漓錯雜顛倒如雨點非詩非記從人嗤莫云畫事
止一技造化性靈俱集茲何時得令楊子見相與賞奇析奧傾
千卮

回家

閒裏尋忙忙裏閒船窗晴雨不曾關飛湍疾下禽聽水緩棹徐
行好看山乘興便騎朱鯁去倦游仍伴白鷗還潑天風浪行人

至兒女迎門笑破顏

湘潭阻風余問羅子鴻大令要竹兜至省趕場渡過江時風浪駭絕

行筇

一筇山煙兩屐泥更開行筇有何攜使車愧未周天下游記今

才補粵

西銅鼓知非諸葛舊石華止有宋賢題奇巖秘洞紛難

拾略有詩囊付小溪

足迹未至者今止雲南甘肅矣姚詒孫贈銅鼓買得桂林宋題名多種

爲研生題明四賢書畫卷

壬戌五日過又一郎開話丁果翁羅研安欲沽酒款客客

辭客者
緩安也

佳節來尋又一邨蒼深雨後好林園前賢書畫同披賞何必商量到酒樽

次韻荅梅根居士

詩思無端滿太空偶然飛墮酒杯中來時霽還紛如雨去後蒼茫渺若風春水快浮孤棹返閒雲追躡萬山窮敲門呼索南游

艸一笑相看是研公

研公家住石潭深五嶽無心羨向禽新竹幾竿才解籜稚松十

載喜成陰得孫新遊鵬未許安洊澤老鶴依然別故林晚歲良朋

如骨肉苦吟容易覓知音令子伯宜從軍往浙君仍回省會又一郵志局

東洲腹笥歎俄空強與掉頭文字中能發性靈方近道漫矜塗

飾共趨風與城南諸生酒瓶幸足支蕉葉書笥時虞問鞠窮酒

不書老硯荒涼磨轉鈍敢將史例叩諸公

又一邨中深復深外人不許聽幽禽園中鳥羣賢朱履千閒廈

一樹枇杷五畝陰枇杷蔭畫幃留題感時節佳思何異在山林

勉儲才筆歌饒凱日日江南有好音江南北地音頻至

同研蓀芋園看荷千戊六月廿三日

三日不見羅研蓀清夢又到又一邨自憐老矣詩伴少不嫌阿

好氣誰教蒙君觸熱行過我脫帽笑謂頭可髡不期大雨逐客
至驅江倒海無本根階庭生浪欲入戶街衢潰溝如決藩兩人
奇興趁雨發好看荷花尋芋園戴笠著屐到花處花光雨氣方
騰掀我思此花君子性此時顛簸何由定動中蓋有靜理存水
底亭亭植根正曲池斗長三尺波樹影圓成萬花鏡翠壘四壁
勢飛舞仲雲刻余臨道因
碑時方嵌置廊壁銀竹千聲氣森勁吁嗟乎今年湘中
米穀荒平糶已竭儲備倉節逾中邛得晴霽窪鄉新稻將登場
冒雨觀花自一快能無時事縈中腸四方軍務苦未戢將才兵
力恃吾湘資糧屏屨亦賴此餉船日走千帆檣連年豐稔繫
國福豈宜饑饉招天殃預愁水潦敗禾稼何忍對花還舉觴仲雲

欲畱南
辭之

再游芋園觀荷贈李仲雲世兄都轉

荷花開時雨如瀉卻恐愁霖損禾稼預排賞花十日宴都爲閤
農一念罷觀心主人司糴政桑梓恭敬責難謝不辭觸熱斟斗
甬晨趨長沙午善化兩月辛勞不自覺漸聽歡聲如噉蔗逢人
媿謝我何力譽則弗堪期免罵大府祈晴陰翳開日月上天分
晝夜蛟龍屢見災仍偏螟螣初生神不赦近省州縣屢出蛟苦雨後田已生蟲口內
大比聞新穀將登場卽指舊囤當減價國中萬樹綠成海瓜豆
如雲齊上架荷花休笑主人忙好勸餘芳莫頽卸東南捷書走
吳越西北勁旅連河華卽看肅清徧區宇大好逍遙此亭樹
兩朝慶榜方竝舉一戰羣才誰可霸年豐士樂秋風香大啟詩
壇開酒舍梅根居士老蟻交儻許婆娑來與蜡

山谷潛溪碑詩以譽爲毀然則中興頌三字何解非元
顏兩公忠愛意也研生和余詩曲徇山谷復艸此以砭

之

古來大筆輝山溪文章在集字在碑就文論文字論字未宜
引同勢絲泥古名臣氣磊落豈有慶語如娥兒元顏碑照湘東
西惡禽孽獸不敢栖雙井老人堅苦學於詩與字無苟爲顧獨
未解魯國筆貞白懷素乃所師敲斜謂得古人勢醉帖終讓坡
公揮其於斯文更苛議中興二字非陋危宗廟再安次山頌日
月雙懸太白詩趣取大物是何語點汗高文成謗詞摩崖大字
況如斗魯公忠愛豈肯隨梅根效尤雖小誤被古人愚吾所悲

題白蘭言學使所藏宋拓小字麻姑壇記帖爲傅青主故物

少習榮祿書致三十年沈除俗氣不盡
欲醫俗書惟仙壇記耳蓋即指是本也

山陰裴几初因仍魯公變法與代興東坡語睨獨造處細筋人
骨如秋鷹特耆大書使垂久氣壓百代常陵嶢誰期狡獪作小

字意與大字如涵澠落筆偶誤古不免未宜批引到發發滄變
不察尋丈勢乃疑迹出慶厯僧愈看愈佳疑者信識真於此輸
廬陵蘭言學使時風節峻如衡嶽臨湘蒸竿牘既絕實吏簡得
此佳帖爲良朋秋風欲來苦雨霽

慶榜大啓髦士烝獨樹軒中點勘暇想見臨池方服膺真山當
日寶是冊謂醫俗遇三折肱已染鷗波入妍媚忽杞鳥爪矜神
能璫蠟流傳有端緒桑梓典型宜繼繩猥蒙持示要題賞自歎
老腕成枯藤作擘窠字慚大硯鈔夾注書怯寒鐙羨君筆法甚
精進紙上綺麗兼飛騰正如校文與論學實事求是不模稜搗
染諸生得津筏競勾手墨隨行勝諸生好記滄變語小字莫作
癡凍蠅

李季眉見和芋園觀荷詩疊韻奉報芸窗依舊老諸生

讀史溫經幾曾罷來詩見謂可謂親切

少壯才華浩如瀉老去秋成收晚稼秋成須待西風來一日焉
能穠裝罷京洛浮湛五十載海內魁儒紛代謝衰頽歸憩湘山
隈絢爛境隨平淡化尙餘氣誼在友朋芬若椒蘭甘比蔗相逢
卽酌卽醉醉語向人常似罵惟君見許有古風頻獲過從語
清夜憶自船風驚引卻干霄陞盾蒙矜放湖海情懷到邱壑蓬
萊文章貶聲價舊書堆塞愁飽齏破筆淋漓不及架眼花頭白
漸自覺章絕硯穿安有卸猥承講舍領城南似扶僂僂登嵩華
咫尺幸與芋園接萬柄高荷照池榭回思春游復夏賞牡丹稱
王是宜霸偶拖游屐再題壁枉和名篇甘退舍冷吟閒醉無日
無差勝農歡須伏蜡

季眉過我看帖再和新篇適黃南坡餽蟹蔣荊泉送酒

欣然閣酌疊韻奉荅

窪鄉甫靜飛湍瀉蟹早螯肥亦傷稼宛園佚老勤見餉惟恐緩
公宵酌罷蔣侯論我大越樽四人昇至難卻謝觀香吟變忽見
過妙理清言塵土化剝蝨溫酒迷促膝佐以紅菱兼紫蔗庭下
喜看羣稚樂門前且任諸生罵諸生求道者不絕星河淡淡久秋思鏗
几沈沈似春夜微波通詞佩當解鳥爪杷背鞭不赦煙雲過眼
自一適何苦矜持評帖價所看帖有十三行小麻姑壇雨種嗟余老學如炳燭
剩有賜書仍在架拋書昨復看山行竹笠棕鞋那忍卸瘡痕猶
未蘇楚粵野哭不堪悲杞華歸來慘寂在夢寐何暇辛勤構亭
榭家家看花幸無拒壁壁題詩差足霸昔年鴻爪在石園今日
雞飛隔街舍及君未入雲水鄉尚可相從貓虎蜡君定於秋杪移居鄉莊
熊雨臚同年來城極道鄉居之樂適子敬小橋書來知

鄉閭年豐而穀太賤仍用前韻柬雨臚井示子敬

風炎日炙汗如瀉恨不鄉閒去觀稼桂林才踏亂山回長夏忍
將游事罷九子山阿有敝廬山花自開還自謝屢謀移宅苦因
循終是外緣難克化古賢所重是晚節珍愛當如倒噉蔗無端
濫作城南師不待人訾先自罵況逢大比士雲集門前屐響無
晨夜拈髭自媿丹鉛疲眯眼誰將訶責赦梅花小橋書屢至喜
說豐收愁穀價秋風清快款竹屋瑞色芬蒨滿瓜架三弟梅花
小橋莊居
今年瓜茄
皆有拉蒂思兄頃把舊醅儲憶弟難將秋課卸同年熊子詩文
豪鉅筆鉤河兼擘華晚戀山居狎邱壑不羨城中好臺榭賢妻
提甕如鮑宣稱子蓬頭似王霸昨來芒屨裏邨泥暫寄名園賞
茆舍嗟余此願何日償好趁桑榆同臘蜡雨臚令
子躬耕

研生久不來酌念其勤懇疊韻柬之

流年不住滔滔瀉漸似秋風卷禾稼論交海內賢豪多戢影湘

山槃敦罷當年父執已凋盡壯歲朋羣亦萎謝晨星落落怕看

天駒隙堂自觀化計從粵簪伏莽發戈矛蜂起多於燕十年

殺賊恃湘軍卽或捐軀能憤罵偉哉常江羅李胡故人耿耿歸

長夜常南陽江岷樵羅諸山李迪菴胡詠芝我生豈無匡世志侍從回翔天棄赦

痛思百戰隕才傑讓與千秋重身價又一邨中閑志局碧血光

茫森在架羣賢起例論難合羅子任勞肩不卸當初推轂重其

選詞壇矗立三峰華采筆空明落月梁老梅孤映澄湘榭開局時中

丞延請郭筠仙吳南屏及研生主其事今惟研生杜局研生自號梅根居士又一邨有澄湘臺楚寶而還耆舊

集茲編何止堪繼勦念子修書當有程幾時索酒來荒舍偶然

閒醉未宜無一日之息百日蜡

清狂柬研生

兩京嚴重有經師六季清在我竊疑真可絕交何必論既能招
隱不煩詩溫柔敦厚先王澤慷慨蒼涼烈士詞秋色更隨人境
遠古情贏得是相思

研生將移居
荷池精舍

雨臚屬隸書洞泉州堂橫額蒙以詩謝由鄉閭寄示仍
用前韻奉荅

影珠山上珠光瀉蔭徧山根好禾稼山中老安躬耕勞日暮歸

來荷鉏罷詰朝偶踏城市游翩然暫把丹巢謝

屬書聯語有巢
隱林端舟牽岸

上喜伴名園鶴翔舞

君所寓芋
園有雙鶴

來看我池龍變化

余寓化龍池
時方秋試

平生蓄酒好飲客日日攜柑還剝蔗近來生計苦蕭索一任詩
人恣嘲罵猥蒙佳句破秋寂快倒清樽銷雨夜自憐肄書久成
癖突盡中山兔無赦深追古法泣硯神枉為人閒高紙價臂腕
衰餘愁就檄縑楮叢殘任堆架忽令隸寫洞泉字老筆雖頽興

難卸矜嚴規尺陋韓蔡慙媿羶椎染嵩華

嵩山三石闕余皆手拓宋拓華山碑三本

皆有敢云國門驚市人聊可山居輝水榭

來詩云亦有迴思昔數椽臨水榭

共明經選乙歲平分秋戰霸

辛卯同舉優貢乙未君捷京兆南元余亦南闈領解爲一時佳話

大比能無見獵心炎歆苦念腐闔舍

秋後奇熱爲多年所未有羨君老去儒

且農笑我祇堪賓與蜡

黃南坡招同湯敏齋周蓉帆兩太常胡恕堂中丞郭意

城舍人丁果臣明經小集宛園卽事有作

宛園主人得名酒快掃橋亭招老友澹澹光陰媚夕陽娟娟風
致添垂柳池波一碧晚逾靜竹氣深蒼秋更厚酒客多是天下
傑昔時簪紱今林藪鬱積經綸繫民莫纏綿忠愛關

朝右亦有窮經伏處士隱擔時艱在肩肘主人槃困磊落姿智
府虛明工納受請閣太計罔不悉斟斟時宜隨所叩惟余爛漫

不獨東村從酩酊祛塵垢未免忘形脫略甚倚恃夙昔交契久
東南烽火漸消戢山水清光已呼誘但愁元氣費培護漫理舊
游重斗擲主人談及吳越舊游無端雷雨恐坐客搖動亭臺驚戶牖中秋
前後有好月重索開樽能許否

八月十四日晨過曠寄園用前韻贈恕堂

主人樓上將命酒樓下逡巡來老友入門先勸集繩雨快向泥
塗掀臥柳柳如有神應笑謝主人意嬾客情厚難得扶疎越尋
丈忍令傾頽在池藪主人方構水邊閣後倚古槐前面右客言
是宜改南向巧據槐龍爲左肘免迎夕照苦炎灼好納南風飽
消受凡客所言靡有拒如商應宮非待叩更檢新詩求討闊務
獎其瑜攻厥垢聯翩出篋評較多輒款呼樽情話久似此虛懷
達官少肯被諛佞相迷誘想見封疆早數厯定采箴謠資斗擲

與君同庚逾六旬願共琢磨互開牖晚歲研詩養性靈漫逐才
流爭可否

欽旌五世同堂洪母王太孺人壽詩爲洪宅伯作

廖氏榮題百歲坊

亦吾州近事爲廖明經元粹之父立

洪家五世慶同堂中興人

瑞輝珠璧

聯珠合璧之瑞今上登極有舊德

天壤萃梓桑衡嶽慈雲朱鳥綢濂溪新水白魚香
梨顏雪髮廣文窆日領孫曾晉壽觴

黃南坡席閒見示與陳雪鑑唱和四律酒後次韻前二
首東南坡後二首東雪鑑

秋來風雨動三湘目極關山意慮長不信清泉能煮石才知黃
竹勝栽桑人間水火瘡痍苦地下忠良姓字香聊藉一樽酬感
憤鬢鬢新染幾莖霜

山林憂國有誰知難得偷閒命酒時日下

溫綸齊感泣筵前探紙尙紛馳深籌天庾誰操算漸老軍心待

出奇童僕濫猜賓主意又添生日宛園詩各處軍情探報惟南坡處最早以其總理

東征諸局也今日南坡生日

四家詩說衍成堆頤解今逢匡鼎來稽古訂書兼訂禮談經須

識更須才動心忍性占重坎晏坐科頭警洊雷大易微言歸性

道惠張從此翦蒿萊雪鏹於諸經皆有注譏周易廓已梓行能闕前人之誤

敢將軀壳等微塵天地精英付人真有性情爲孝子能傾肝

膽是貞臣龍山鳳水知何據嶽降崧生定有神沙論吾思箴雪

麥漫隨楊蔕眩齊民雪鏹好談葬經

芋園看菊贈李仲雲兼示同集諸老

秋光清絕是長沙釀出名園萬菊花盆盎滋培等珠玉樓臺掩

映入雲霞枝搖畫舫聲聲笛影寫晴窗面面紗誰識性靈冰雪
在千般綺麗總無瑕

灌蔬小圃屢經過

在山東時常至灌蔬園賞菊

別後何人共歡歌芒屨狂游

忘我老芋園寒醉到秋多晚花入眼如舊舊勝境隨緣卽軸邁
差喜吾廬才隔巷東籬晨暮許婆娑

非關紅紫不同羣鍊到風霜壓眾芳典重金黃畱正色光明雪
白燦奇文高門舊澤看嘉樹諸老歸來愛夕曛莫怪詩懷同入
澹東風好夢總如雲

歸鴉催動隔林鐘促却清談入夜濃珍護奇花得微月商量寒
緒入初冬藝蘭山館開新徑聽雨書堂認舊蹤難得諸郎能可
構幾回懷慰憶文恭

題鄧小耘雪堂聽雨圖君將出湘赴皖卽以贈別

驚陣紛紛阻鴈行人閒聽雨定何方一鐙秋夢傳潯客湯小甘
載詩懷寄雪堂緩棹北游湘水澹驚濤東去大江忙幾時盪壩
烽烟淨赤壁扁舟望鬱蒼

題葉清甫先德遺像冊

吳門葉清甫家居太湖曲六世考妣親遺像森在軸賊氛飄忽
至湖水慘不綠軸鉅不可攜藏之祕幽谷別摹小畫冊篋衍謹
珍蓄隨身數千里江海莽馳逐蛟龍不敢吞豺虎避且肅鬱茲
仁孝懷感動神明福一官未卽遂生全幸骨肉痛惟軍興來邨
邨閭野哭祠屋多圻毀況問影堂幅化作灰與泥無從叩臘伏
敬瞻先德容佩子性真篤近聞浙興蘇醜類氣已促但望報捷
頻或可澄清速歸心慰萬鱸家祭薦芬馥庶免羈旅勞抱冊淚
盈掬東南吾舊游忍聞兵燹酷君來說近事魂夢更振觸名賢

五百像猶可訪遺躅

有人說滄浪亭石刻
五百名賢像尚無恙

賞雪和毛蘭陔塾師韻兼示易蒲仙

前年踏雪方陟嵩歲除羈滯雪堂中去年看雪在湘浦後入桂林千里同江鄉得此屢豐稔任我蹤跡如飄風狂吟坐攬萬山碧醉帖夜銷雙燭紅今冬瑟縮類飢鶴老嫗苦從文字縛飛翼一夕滿園林凍極難禁酒事作君才當早賦日華偶然逐隊虛槐花癡孫讀性並鈍拙先生書理無訛差未宜先春驟言別易于猶能和琢切傳聞慶榜將重開共脫白袍白如雪

雪中飲胡恕堂處歸見毛蘭陔尖叉韻詩戲和

幾日沈陰冷意纖中榆節屆氣初嚴瑞圖喜見霏霏玉樂府誰歌昔昔鹽癡鶴禁寒忘警露老梅無影失巡檐清晨隸課方開卷斗覺薑芽怯指尖

朝朝呵凍塗鴉推挽剛愁滯墨車稚子踏融三徑迹棲禽驚
落一林花敲詩快遇河閒齋煮酒還尋城北家銚火親人寒起
出醉餘敲句手頻叉

嘉平月雪後再用坡韻

關險搜奇不厭纖歐陽禁體亦何嚴若令白戰不持鐵應笑髯
仙強道鹽晏歲瑤葩千樹景長街冰柱萬家檐窗前一丈芭蕉
綠透入先生畫筆尖

籃輿緩緩趁歸鴉

時方從小橋歸

未斷鄉閒送穀車連歲豐收增米價

一樽愁思對梅花且看此日飛雲象暫慰來年播種家南北烽
煙期淨掃普天同雪路無叉

蓬樵仿董北苑瀟湘圖第二十四幅爲白蘭言學使作

竝柬楊海琴

開口說瀟湘畫意已到眼況得親涉歷如食飫豐腴因而畱連
之煤竈爲濡吮足令後來者傳作臥游卷瀟湘最上頭營道吾
所產廉谿月巖際元公同戶版公平去千載道味永流演至今
樓田社庭艸孰敢翦舅氏最密邇嬉戲憶婉嬈齡隨侍出壯
歲計車轉後來持使節頗周行省踐衡嵩與岱華四嶽飽窺兩
歸來鄉里舊彌覺幽懿顯方規恣揆蹠快與挾潛遁十年烽火
熾兩屐雲水寒翛然謝冠屨聊欲親鉶錢靜俟軍事戢尙擬游
興展仰溯乾隆年蓬樵循響烜以其簿書暇日與山水款性情
有瀟湘煙墨爲鞢鞢近云師香光遠謂仿北苑其實蓋不爾萬
象自撓揆明明復蒙蒙艸艸又淺淺書味盎而發元氣爲之本
卽欲叩蓬樵但有一笑莞瀟湘帝子圖流傳有庭闔臨摹廿四
番古意千載返包裹米與黃變化不自刊後來更書壽脫盡盡

關鍵瀟湘亦寄耳入我神韻渾小子於蓬樵兩世香火衍每逢
墨戲真不惜衣裘典一樹不能描此事竟難勉督學白御史遠
接香光珎畱圖在吾齋去看君與扁洞庭八百里魚龍爭仰偃
蓬樵畫不到待子盡別選同時楊太守正握永州篆俛仰七十
年先後無異撰徧諷元柳迹別盡唐宋薛煙雲萬變勢病指一
笑撚蹉余背成鶴漸恐足難繭兩君託久要時與致韓黼長沙
三日雪寒節來何晚欣聞吳越閒可卜醜類殄襟懷略開豁朋
舊得繼綵訪梅及未開徧涉曠芋苑胡想堂曠寄園李仲綬覺雲芋園黃南坡宛園
鑪火溫欣見酒波輒展圖忽有念甚念伊人遠會合當何時題
詩仍代簡